



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 53 (16664)

2003 чылдың
МАЙ 13,
вторник

Ат салган шагы 19.30
Садар өртээ 3 рубль.

КЫЗЫЛ ХООРАЙ — МАЙ 9-ТА

КИЖИ БҮРҮЗҮНГЕ ҮДЫКТЫГ

МАЙ 9. Совет улустун 1941-1945 чылдарда Ада-чурттуң Улуг дайынынга кайгамчыктыг Тиилелгени чедип алган хүнү. Төөгүлүг найырны Тыва Республиканың найысылалы Кызыл аян-шинчи киир каастаттыңан, арыг-силиг уткаан. Агаар-бойдус ол эртен база онзагай болган. Суггур чаъс чаапкан, арыг агаарны тынарга, магальын чүү дээр ону! Оът-сиген, ыяштарның бүрүлери ногаарарып келген, кижиниң сагыш-сеткили чайгаар-ла сергеп келир.

Ада-чурттуң Улуг дайынының чылдарында фронтуларга совет дайынчыларның көстүп көрбээн маадырлыг чорунун, күш-ажыл фронтузунга (тылга) ажылдап турган ишчилерниң кайгамчыктыг карак кызыл күш-ажылының ачызында совет улустун шынныг херээ тиилээн. Өлүм-



Эртенгиниң 10 шак ам-даа четпээн. Кызылда Төрээн чуртунун камгалалы болгаш хамаарышпас чоруу дээш маадырлыгы-биле амы-тынын берген дайынчыларның тураскаалы. Ында мөңгө от кыпкан, хүндүлүг таңныылдар турупкан. Шериг хептериниң болгаш костюмнериниң хөректин сыңмас кылдыр орден-нерин, медальдарын кадап алган Ада-чурттуң Улуг дайынының болгаш күш-ажыл фронтузунун (тылдын) хоочуннары чыгылып эгелээн. Олар бот-боттарынга Тиилелге хүнү-биле байыр чедиржип, амыдырал-чуртталгазын, дайынчы эртен оруун хөөрежип турлар. Дайын киржикчилериниң назы-хары улгаткан, ыңдыг-даа болза адак-бышкаанын чиигин, омак-сергээн, оюн-баштаан магадап көрүп, солун чугаазын дыңнап турдувус. Байырлалга тураскааткан шериг парадынга киржир дээн шериг албанныглар Ленин кудумчунун бажынга чыскаалыпкан.

Тыва Республиканың Чазак Даргазы Ш.Д.Ооржак, ТР-ниң Чазак кежигүннери, ТР-ниң Улуг Хуралының Төлээлекчилер болгаш Хоойлужудулга палаталарының удуртукчулары, Сибирь федералдыг округтуң Тыва Республикада кол федералдыг инспектору В.И.Чернышов, республиканың шериг комиссары, политиктиг партияларның, шимчээшкннерниң, хөйниити организацияларының төлээлекчилери болгаш ескелер-даа чедип келген. Тиилелгениң 58 чылынга тураскааткан митингини, байырлалды белеткээр болгаш эрттирер оргкомитеттин даргазы, ТР-ниң Чазак Даргазының оралакчызының хүлээлгезин күүседип турар В.В.Вусатый аянткан. Россияның Күрүне гимнизи чаңгыланып үнген. Тыва Республиканың Чазак Даргазы Ш.Д.Ооржакка сөстү берген. Кижини төрелгениң төөгүзүңгө кажан-даа турбаан кончуг аар болгаш хөй хан төгүүшкүнүг

чидим, аш-чут, хоозурал, күчүлүп күштээшкн, дорам-чылал, фашист аг-шеригниң артык күчү-күжү оларны коргутпаан, эк-не берге дайынга чайынналчак Тиилелгени чедип алган деп, Шериг-оол Дизижикивич чугаазының эгезинде демделгээн. Дайынның баштайгы хүннеринден эгелээш, орус болгаш тыва улустарның аразында акы-дунмалышкы быжыг харылзаа тургустунган. Фашизмни чылча шавар херекке Тыва бодунун үлүүн киригенинге бөгүн бистер чоргаарланыр ужурулг бис деп, ол айткан. Тыва Арат Республика бодунун материалдыг болгаш кижини курлавырларын Совет Эвилелинге дузалаарынче угландырган. Фронтуга ниити дузаламчы ТАР-ның ийи чылда бюджет-биле деңнежир. Дайын чылдарында тыпкан алдын курлавырын Совет Эвилелинге дайын хереглелдеринге чарыгдаа-

ры-биле дамчыдып берген. Бедүүн араттар фронтуга хөй санныг малын, ылаңгыя дайынчы аъттарын болгаш янзы-бүрү белектерин, акша-төгериин берген. Алдан чыл мурнунда, 1943 чылдың майда, тыва эки турачыларны – танкистерни, ол-ла чылдың сентябрьда тыва эки турачылар — аъттыг эскадронну фронтуже үдээнин Чазак Даргазы чугаазынга айткан. Тыва Арат Республиканың хамаатылары совет дайынчылар-биле кады фашист эжелекчилерге удур маадырлыгы-биле тулушкан. Олар Украинаның, Молдавияның, Румынияның, Венгрияның, Чехословакияның хоорайларын болгаш суурларын хостаарының киржикчилери болган.

(Уланчызы 2-ги арында).

"ШЫН" — болуушкуннар илередикчизи

2003 чылдың ийинги чартыында чагыдылга уламчылап турар

Өртектери эрги хевээр: 6 айда хууда чагыдыкчыларга – 240 рубль, ооң иштинде: 100 рубль – редакцияга, 140 рубль – почта эргелелинге чедирилге дээш баар. Пенсионерлерге чиигелделиг – 205 рубль.

Организацияларга – 317 рубль, ооң иштинде: 150 — редакцияга, 167 — почта эргелелинге чедирилге дээш.

Организациялар солунну почтадан кээп алырга – 281 рубль.

3 айлап чагыдар болза: хуу чагыдыкчыларга – 120 рубль. Пенсионерлерге — 103 рубль.

Организацияларга – 158 рубль 50 көпеек.

ЭКСПРЕСС чагыдылга-биле айның кайы-даа хүнүнден эгелеп солунну чагыдып ап болур.

«ШЫН» СОЛУННУҢ ШАҢНАЛЫ ДЭЭШ



КИЧЭЭНДИРИГ БОЛГАН

Ада-чурттуң Улуг дайынынга Тиилелгениң 58 чыл оюнга тураскааткан хүреш маргылдаазы Кызыл хоорайга май 9-та «Хүреш» аттыг стадионга болуп эрткен. Хүн-даа онзагай болган. Эртен бичии чаъстай каапкаш, дораан аязы берген. Стадионда бұрт дээр довурак-даа чок. Стадионга көрүкчүлөр долдур чыгып кээрге, республиканың шыырак дээн мөгелери хүрежир дээш чыскаалыптарга, «Шын» солуннун кол редактору Артур Хертек ажыдышыкынга сөс ап чүве чугаалааш, улуг байырлал таварыштыр бүгү чыылган чонга, Ада-чурттуң Улуг дайынының киржикчилеринге, спортчуларга Тиилелге хүнүн таварыштыр байыр чедирип, спортчу чедишкinnerни күзээн.

Хүрештиң эгезинде ТР-ниң Күш-культура болгаш спорт талазы-биле күрүне комитединин даргазы С.Б. Ооржак Тиилелге хүнүн таварыштыр спортчуларга байыр чедиргеш, хостуг хүрешке РФ-тиң спорт



Ыраажы кыстың мөгелерге аян тудуп турары.



Мөгелерниң парад чыскаалы.


мастери деп хүндүлүг аттын шынзылгазын болгаш хөрек демдээн бөлүк мөгелерге тывыскан. Олар кымнарыл дээрге, тыва хүрешке республиканың чаан мөгези, сумо хүрешке делегей чергелиг спорт мастери Аяс Монгуш, Каң-Демир Куулар, Эртине Данзы-Белек, Ушпас Куулар, сумо хүрешке РФ-тиң спорт мастери деп хүндүлүг атты бистиң херээжен мөгевис Кара-Кат Монгуш биле Вячеслав Монгушка тывыскан.

Хүрежип үнүп келген мөгелерни көөрге, колдуунда шупту аныяктар, бистиң хоочун семис, чоон мөгелеривис бо удаада көзүлбейн бардылар. Олар ынак хүрежи, улуг спорт-биле байырлажып чорутканы-ла ол боор. Борта бир онзагай демдеглеп каар чүүл болза, сөөлгү чылдарда бистиң республикага кээп көрбээн, Моолдун эң шыырак мөгелеринин хүреш маргылдаазына киржип келгени аарыкчыларны хей-аът кирип турган. Бо чүүлүнүн эгезинде моол мөгелерни номчукчуларга кысказы-биле таныштырып көрейн. Агбаан-самдан Сухбат, 1971 чылда төрүтүнген, хүрешке Моолдун улуг Наадымының ийи дакпыр чемпиону, хостуг хүрешке делегей чергелиг спорт мастери, Азияның дөрт дакпыр чемпиону, сумо хүрешке делегейинин ийи дакпыр чемпиону, Моолдун авырга мөгези, Шонхар школазының башкызы. Эрдэнэ Батбаатар Убса-Нур аймактын чем-

пиону, аймактын чаан мөгези. «Монгол газар» компаниянын мөгези. Юнээ Баттогтох, дзюдо хүрешке Убса-Нур аймактын чемпиону, аймактын арзылаң мөгези, Тэс сумузуңда «Арзылаң» школының тренери. Моол мөгелерниң дурт-сыны, эът-ханының чаражы онзагай-ла чорду.

Хүрештиң бирги салында бистиң шыырак мөгелеривис Аяс Монгуш Өвүрнүн мөгези Айдыс Монгушту, чоокку чылдарда хүрешпейн турган, Тываның бир дугаар начын мөгези деп аттын эдилекчизи Геннадий Монгуш Мөңгүн-Тайгадан келген Шолбан Алдын-оолду, Чимит Куулар Кызылдың төлээзи Вячеслав Хууракты октагылааш, дараазында ээлчегже кирдилер. Моол мөге Эрдэнэ Батбаатар бистиң эң шыырак аныяк мөгелеривистиң бирээзи Алик Комбуй-оол-биле элээн үр хүрежип чорааш, ийи хончундан көдүргеш арыг октады. Юнээ Баттогтох, Тываның шыырак мөгези Аяс Ондарны октап алды. Ынчаар-ла ийи аныяк, шыырак мөгелеривис маргылдааның эгезинде-ле «чирлип» чоруй барды. Сухбат Нанчат Шолбанны арыг салды.

Хүрештиң ийиги ээлчээнде Андрей Хертек Өвүрнүн мөгези Сайын-Белек Туматты саадатпайн октап алды. Моол мөге Юнээ Баттогтох биле бистиң аныяк мөгелеривистиң эң шыырактарының бирээзи Алаш Монгуш хүрежи бээрге, көрүк-



Кызылдың «Уранхай» садыг төвүнүн директору Шолбан Иргиттиң моолдун авырга мөгези А. Сухбатка белекке берген машиназы.

чүлерниң кичээнгеи ол ийи мөгедө барды. Б.Юнээ кончуг чараш арганы ажыглап, Алаш Монгушту октап алды. А.Сухбат-биле Өвүрнүн мөгези, республика Наадымында аныяк мөгелер аразына республиканың ийи дакпыр чемпиону Ким Седен-оол таварышкан. Арга-дуржулгалыг А.Сухбат саадатпайн октап алды. Б.Эрдэнэ бистиң база бир шыырак мөгевис Кайгал-оол Донгакты октады.

Хүрештиң үшкү салында бистиң хоочун мөгевис, кончуг чараш хүрештиг Өвүр кожууннун төлээзи Чимит Куулар черле кончуг болгай, Убса-Нур аймактын арзылаң мөгези Юнээ Баттогтохту кончуг чараш арга-биле арыг октады. Аарыкчылар диңмиттиг адыш часкаашкыны-биле байыр чедирди. Республиканың шыырак мөгези Андрей Хертек биле моол мөге Эрдэнэ Батбаатар таваржы берди. Эрткен чылын «Шын» солуннун шаңналынга Аяс Мон-

гуш шүүлген, Андрей Хертек үжүрүлөшкөн болгай. Бо удаада Андрей Хертек арыг октадыпты. Хомуданчыг-ла болду. Ат-сывы үнүп келген аныяк мөгелеривис колдуу моол мөгелерге октадыпкан. «Аяс-ла канчаар ирги» деп бир мөге салыкчызы боданып кылаштап турду. Хоочун мөгевис Маадыр Монгуш, Мерген Монгуш-биле үр-ле хүрежип келди, сөөлүндө хоочун коктуг болгай, Маадыр удурланыкчызын октап алды.

Дөрткү салында Моолдун авырга мөгези А. Сухбат бистиң бир кол мөгевис Маадыр Монгушту чийги-биле октап алды. Маадыр Монгуш моолдар-биле хүрежип өөренген мөге болгай, бо удаада чер албайн барды, Каа-Хем кожууннун мөгези Геннадий Монгуш моол мөге Б.Эрдэнэге октадыпты. Чимит Куулар Кызылдың мөгези Владимир Сендини октап алган.

(Уланчызы 8-ки арында).



Мөгелер девии.

